



იუსტიციის უმაღლესი სკოლა

გამარტივებული ელექტრონული ტენდერის საშუალებით ქსელების CPV32400000;
სახელმწიფო შესყიდვის

სატენდერო დოკუმენტაცია

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ქ.თბილისი

2013წ.

სარჩევი

1. ტექნიკური დოკუმენტაცია ----- 3 გვ.
2. ტექნიკური დოკუმენტაციის დანართი №1 ----- 5 გვ.
3. ტექნიკური დოკუმენტაციის დანართი №2 ----- 6 გვ.
4. სახელმწიფო შესყიდვის შესახებ ხელშეკრულების პროექტი ---- 8 გვ.

ტექნიკური დოკუმენტაცია:

1. შესყიდვის ობიექტის ტექნიკური, ხარისხობრივი, რაოდენობრივი მახასიათებლები და სხვა ინფორმაცია:

- დასამონტაჟებელი კაბელები უნდა მოთავსდეს კომპიუტერული ქსელისთვის განკუთვნილ სპეციალურ საკაბელო არხებში (არხები არ უნდა იყოს აალებადი, ადვილად მსხვრევადი, და უნდა იყოს მყარი კონსტრუქციის). საკაბელო არხები და მათი გადაბმების კომპონენტები უნდა იყოს ერთი და იმავე ბრენდის.
 - კომპიუტერული წერტილები უნდა ბოლოვდებოდეს 5E კატეგორიის საკომუნიკაციო ბუდეებით. საკომუტაციო ბუდეები და კაბელის ორივე მხარე უნდა იყოს მარკირებული.
 - ქსელი (კაბელები, საკომუნიკაციო პანელები, საკომუნიკაციო ბუდეები, საკომუტაციო კაბელები) უნდა აკმაყოფილებდეს მინიმუმ 5E კატეგორიას (10/100/1000 მბ/წმ) და უნდა გააჩნდეს შესაბამისი ISO სერტიფიკატი.
 - ქსელის კაბელი უნდა იყოს სპილენძის მაღალი შემცველობით, ერთი ძარღვის მინიმალური დიამეტრი 0,5მმ და შესაბამისი შემდეგი სტანდარტების (ISO/IEC 11801, IEC 61156-5, EN 50288-2-1)
 - ქსელის გაყვანის დასრულების შემდგომ, ქსელის ყველა წერტილი ტესტირებული უნდა იყოს 5E კატეგორიის შესაბამისობაზე, წარმოდგენილი უნდა იყოს თითოეული წერტილის ტესტირების შედეგები (Cable NVP, Cable Length, Attenuation, NEXT, ELFEXT, Return Loss)
 - ყველა წერტილმა დამოუკიდებლად თავი უნდა მოიყაროს მეხუთე სართულზე განთავსებულ სასერვერო ოთახში.
 - ყველა გამოყენებული მასალა უნდა იყოს მაღალი ხარისხის და შეესაბამებოდეს ამ სფეროში მიღებულ მაღალ სატანდარტებს.
 - სართულების სქემა მოცემულია დიაგრამებზე.
 - უნდა იქნას გათვალისწინებული ის გარემოება, რომ შენობაში არ არსებობს საკომუნიკაციო ჭა, შესაბამისად კაბელირებისთვის საჭიროებას წარმოადგენს სართულებს შორის ხვრელების მოწყობა, სართულებს შორის მანძილია 3,5 მეტრი.
2. ქსელის მონტაჟი უნდა განხორციელდეს შემდეგ მისამართზე: ქ.თბილისში, პეკინის N29 „სსიპ იუსტიციის უმაღლესი სკოლა“. I, IV და V სართულები.
 3. ასევე, მეოთხე სართულზე არსებული სატელეფონო ხაზის ხუთი წყვილის გადატანა უნდა განხორციელდეს მეხუთე სართულზე არსებულ სასერვერო ოთახში, რისთვისაც გათვალისწინებული უნდა იქნას სპეციალურად სატელეფონო ქსელისათვის გამოყენებადი დამაბოლოებელი.
 4. პრეტენდენტმა უნდა წარმოადგინოს ქსელის ინსტალაციისთვის განკუთვნილი ყველა კომპონენტის (ქსელის კაბელები, კომპიუტერული როზეტები, საკაბელო არხები და მისი გადაბმები, კუთხეები, საკომუტაციო პანელები, პაჩკორდები, სატელეფონი კროსი) ნიმუშები, როდესაც ტენდერს მინიჭებული აქვს სტატუსი „შერჩევა-შეფასება“, შემსყიდველის მოთხოვნიდან არაუგვიანეს ორ დღეში.
 5. ქსელზე უნდა გავრცელდეს საბოლოო მიღება-ჩაბარების აქტის გაფორმებიდან მინიმუმ 1 წლიანი გარანტია, რაც გულისხმობს: მიღება-ჩაბარების აქტის გაფორმებიდან 1 (ერთი) წლის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება, რომ აღნიშნული წუნი (ნაკლოვანებები, დეფექტი) გამოწვეულია უხარისხო, არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.
 6. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
 7. სატენდერო წინადადება, აგრეთვე შემსყიდველსა და პრეტენდენტს შორის გაცვლილი კორესპონდენცია და დოკუმენტაცია წარმოებს მხოლოდ ქართულ ენაზე.

8. პრეტენდენტის მიერ წარმოდგენილი სატენდერო წინადადების ღირებულება გაანგარიშებული უნდა იყოს ეროვნულ ვალუტაში - ლარში, საქართველოს კანონმდებლობით გათვალისწინებული გადასახადების, შესყიდვის ობიექტის მაღალი ხარისხის უზრუნველყოფის და მის მიწოდებასთან დაკავშირებული ყველა ხარჯის ჩათვლით.
9. შესყიდვის ობიექტის ღირებულება ანაზღაურდება უნაღდო ანგარიშსწორების ფორმით, ეროვნულ ვალუტაში, მიმწოდებელსა და შემსყიდველს შორის შესყიდვის ობიექტის მიღების და შესაბამისი მიღება-ჩაბარების აქტის გაფორმებიდან 2 სამუშაო დღეში.
10. მიწოდების ვადა: ხელშეკრულების დადებიდან **8 (რვა)** კალენდარული დღე, მიწოდება სავალდებულოდ უნდა განხორციელდეს მიმდინარე წელს.
11. მიწოდების ადგილია: ქ. თბილისი, პეკინის №29, სსიპ „იუსტიციის უმაღლესი სკოლა“.
12. პრეტენდენტმა სისტემაში უნდა ატვირთოს:
 - რეკვიზიტები დანართი N1-ის შესაბამისად;
 - აღნიშნული პროფილით მუშაობის არანაკლებ 3(სამი) წლის გამოცდილება (წარმომადგენლობაზე უფლებამოსილი პირი წერილობით ადასტურებს ამ ინფორმაციას და თან ურთავს 2011,2012,2013 წლის მანძილზე მისი კონტრაქტორი ხუთი ორგანიზაციის დასახელებას და საკონტაქტო ტელეფონის ნომერს).
 - მწარმოებლის მიერ გაცემული დოკუმენტაცია ქსელის კაბელის, საკომუნიკაციო პანელებს, საკომუნიკაციო ბუდეებს, საკომუტაციუო კაბელების ტექნიკური პარამეტრების შესახებ და შესაბამისი ISO სერტიფიკატი .
 - ინფორმაცია, იმის თაობაზე, რომ პრეტენდენტი სრულად ეთანხმება ამ კონკრეტული გამარტივებული ელექტრონული ტენდერის სატენდერო განცხადებაში და ტექნიკურ დოკუმენტაციაში მოცემულ პირობებს. (წარმომადგენლობაზე უფლებამოსილი პირი წერილობით ადასტურებს ამ ინფორმაციას)
 - ხარჯთაღრიცხვა (ფასების ცხრილი) დანართი №2 ის მიხედვით.
13. კანონით განსაზღვრულ შემთხვევებში, პრეტენდენტმა უნდა დააზუსტოს ხარჯთაღრიცხვა - ფასების ცხრილი დანართი №2 -ის შესაბამისად, სახელმწიფო შესყიდვების ერთიანი ელექტრონულ სისტემაში შესაბამისი მოდულის მეშვეობით.
14. იმ შემთხვევაში, თუ პრეტენდენტის მიერ სისტემაში ატვირთული სატენდერო წინადადება ან ტექნიკური დოკუმენტაცია არ შეესაბამება სატენდერო განცხადებასა და სატენდერო დოკუმენტაციაში მითითებულ მოთხოვნებს, სატენდერო კომისიის გადაწყვეტილებით ხდება პრეტენდენტის დისკვალიფიკაცია.
15. შემსყიდველ ორგანიზაციას უფლება აქვს სახელმწიფო შესყიდვის შესახებ ხელშეკრულების დადებამდე ნებისმიერ დროს შეაჩეროს ან შეწყვიტოს შესყიდვის განხორციელება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.
16. დამატებითი ინფორმაციისა და განმარტებების მისაღებად შეგიძლიათ დაუკავშირდეთ სატენდერო კომისიის აპარატის წევრს დავით დახუნდარიძეს. ტელ: 237 00 63; 238 11 87:

ტექნიკური დოკუმენტაციის დანართი №1

რეკვიზიტები

გრაფა №1	გრაფა №2 (ივსება პრეტენდენტის მიერ)
პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელ-ფოსტა:	
მომსახურე ბანკის დასახელება:	
მომსახურე ბანკის კოდი:	
ანგარიშსწორების ანგარიში:	

პრეტენდენტის ხელმოწერა: _____
(ხელმძღვანელი)

დამოწმება ბეჭდით:
(მისი არსებობის შემთხვევაში)

ტექნიკური დოკუმენტაციის დანართი №2
ხარჯთაღრიცხვა (ფასების ცხრილი)

სამუშაოების ხარჯთაღრიცხვა

N	დასახელება		განზ.ერთ.	რ-ბა	მწარმოებელი და მოდელი	მასალა (ტრანსპორტირებით)		მონტაჟი (ხელფასი)		სულ (ლარი)
						ერთ. ფასი	ჯამი	ერთ. ფასი	ჯამი	
1	ქსელის კაბელი	კატეგორია -5e, სტრანდარტებთან შესაბამისობა ISO/IEC 11801, IEC 61156-5, EN 50288-2-1	მეტრი	3050						
2	კომპიუტერული როზეტი	ერთი ცალიანი 1XRJ45 Cat 5E	ცალი	17						
3	კომპიუტერული როზეტი	ორ ცალიანი 2XRJ45 Cat 5E	ცალი	35						
4	საკაბელო არხი, მისი გადასაბმელები და კუთხეები საჭიროების მიხედვით		მეტრი							
5	საკომუტაციო პანელი	Pathc Panel-24port, UTP, RJ45	ცალი	4						
6	პაჩკორდი	0,5 მ RJ45/RJ45 Plug, CAT. 5e, UTP	ცალი	90						
7	პაჩკორდი	5,0 მ RJ45/RJ45 Plug, CAT. 5e, UTP	ცალი	10						
8	სატელეფონო კროსი		ცალი	1						
9	სამონტაჟო მასალა		კომპლექტი	1						
	სულ:									
	ზედნადები ხარჯი --- % (მუშახელის ხელფასიდან)									
	სულ:									
	მოგება --- % (დარიცხული პირდაპირი დანახარჯებისა და ზედნადები ხარჯების ჯამზე მოწყობილობების ღირებულების გამოკლებით)									
	სულ:									
	დღგ 18%									
	მთლიანი ღირებულება									

შენიშვნა: ხარჯთაღრიცხვის შედგენისას (მოგებისა და ზედნადების ხარჯების განსაზღვრისას)
იხელმძღვანელეთ საქართველოს ეკონომიკისა და მდგრადი განვითარების მინისტრის 2012 წლის 12 ივლისის N1-1/1463 ბრძანებით.

პრეტენდენტის დასახელება _____

პრეტენდენტის ხელმოწერა: -----

(ხელმძღვანელი)

დამოწმება ბეჭდით:

სახელმწიფო შესყიდვის შესახებ ხელშეკრულების პროექტი

სატენდერო განცხადების ნომერი: SPA

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრედენდენტთან ხელშეკრულების დადების პროცესში

ქ. თბილისი

----- 2013 წელი

ერთის მხრივ სსიპ „იუსტიციის უმაღლესი სკოლა“, მისი დირექტორის ლაშა მაღრაძის სახით, (შემდგომში – შემსყიდველი), და მეორეს მხრივ „...“ მისი დირექტორის .. სახით, (შემდგომში – მიმწოდებელი) „სახელმწიფო შესყიდვების შესახებ“ კანონის მე-3 მუხლის 1-ლი პუნქტის “რ” ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1 ხელშეკრულების საგანია (შემდგომში „შესყიდვის ობიექტი“) ქსელების შესყიდვა (CPV32400000) ხელშეკრულების პირობებისა და N.... დანართის შესაბამისად, რომელიც წარმოადგენს ამ ხელშეკრულების განუყოფელ ნაწილს.

1.2 შესყიდვის წყარო: სახელმწიფო ბიუჯეტის სახსრები.

1.3 შესყიდვის ობიექტის ხარისხი უნდა შეესაბამებოდეს სატენდერო დოკუმენტაციაში მითითებულ და ამ სფეროში არსებულ სტანდარტებს.

მუხლი 2. ხელშეკრულების ღირებულება

2.1 ხელშეკრულების საერთო ღირებულება შეადგენს ----- ლარს, მიწოდებასთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.

2.2 ანგარიშსწორება მოხდება ფაქტიურად მიწოდებული შესყიდვის ობიექტის მიხედვით, მხარეთა უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე.

მუხლი 3. შესყიდვის ობიექტის მიწოდების ვადები და ადგილი

3.1 ხელშეკრულების ობიექტის მიწოდება განხორციელდება ხელშეკრულების დადებიდან 8 (რვა) კალენდარული დღის ვადაში, არაუგვიანეს 2013 წლის --- დეკემბრისა.

3.2 მიწოდების ადგილია: ქ. თბილისი, პეკინის №29.

მუხლი 4. შესყიდვის ობიექტის მიღება-ჩაბარების წესი

4.1 შესყიდვის ობიექტის მიწოდების შესახებ ფორმდება შესაბამისი მიღება-ჩაბარების აქტი. შესყიდვის ობიექტი ჩაითვლება მიწოდებულად მხოლოდ მიღება-ჩაბარების აქტის გაფორმების შემდეგ.

4.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს სსიპ „იუსტიციის უმაღლესი სკოლის“ მატერიალურ ტექნიკური უზრუნველყოფის სექტორის უფროსი ნიკოლოზ ბუაჩიძე და ინფორმაციული ტექნოლოგიების მთავარი კონსულტანტი ივანე რევიშვილი.

მუხლი 5. ანგარიშსწორების ფორმა და ვადები

5.1 მიწოდებული შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

5.2 ანგარიშსწორება ხორციელდება მიღება-ჩაბარების აქტის გაფორმებიდან და მიმწოდებლის მიერ შემსყიდველისათვის საქართველოს კანონმდებლობით დადგენილი საგადასახადო დოკუმენტაციის (დღგ-ს ანგარიშ-ფაქტურა, სასაქონლო ზედნადები, და სხვა) წარდგენიდან არაუგვიანეს 2 სამუშაო დღეში.

მუხლი 6. შესყიდვის ობიექტის გარანტია

6.1 შესყიდვის ობიექტზე ვრცელდება გარანტია. გარანტიის ვადის ათვლა იწყება შესყიდვის ობიექტის მიწოდების შესახებ მიღება-ჩაბარების აქტის გაფორმების დღიდან. შესყიდვის ობიექტის საგარანტიო ვადაა 1 ერთი წელი.

6.2 შესყიდვის ობიექტზე დეფექტის აღმოჩენის ან ექსპლუატაციის ნორმების დაცვის პირობებში მისი გაფუჭების შემთხვევაში, შემსყიდველიდან შეტყობინების მიღების შემდეგ, მიმწოდებელმა უნდა უზრუნველყოს პერსონალის გამოგზავნა სსიპ „იუსტიციის უმაღლეს სკოლაში“ მისამართზე: ქ.თბილისი პეკინის N29, სადაც დაუყოვნებლივ უნდა მოხდეს დაზიანების იდენტიფიცირება წუნის (ნაკლოვანებები, დეფექტი) აღმოფხვრა საკუთარი ხარჯებით, არაუგვიანეს ორი დღისა დაზიანების იდენტიფიცირებიდან.

6.3 თუ ხელშეკრულების 6.2 მუხლით გათვალისწინებული წესითა და ვადებში ვერ ხერხდება შესყიდვის ობიექტის შეკეთება, უნდა მოხდეს მისი გონივრულ ვადაში ახალი იდენტური პროდუქციით ჩანაცვლება.

მუხლი 7. მხარეთა უფლება-ვალდებულებები

7.1 შემსყიდველს უფლება აქვს:

- ა) შეამოწმოს შესყიდვის ობიექტის ხარისხი.
- ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.
- გ) ნებისმიერ დროს შეაჩეროს ან შეწყვიტოს ხელშეკრულება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

7.2 შემსყიდველი ვალდებულია:

- ა) წერილობითი ფორმით, ან კომუნიკაციის ელექტრონული საშუალებებით აცნობოს მიმწოდებელს შესყიდვის ობიექტის წუნის შესახებ.
- ბ) დაიცვას ხელშეკრულებით გათვალისწინებული პირობები.

7.3 მიმწოდებელს უფლება აქვს:

- ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- ბ) მოითხოვოს შემსყიდველისაგან ხელშეკრულების სხვა პირობების დაცვა.

7.4 მიმწოდებელი ვალდებულია:

- ა) მიაწოდოს შემსყიდველს შესყიდვის ობიექტი ხელშეკრულებით დადგენილი პირობების შესაბამისად;
- ბ) ხელშეკრულებით დადგენილი პირობებისა და წესის შესაბამისად დროულად აღმოფხვრას შესყიდვის ობიექტის წუნი;
- გ) ჯეროვნად, დროულად და კეთილსინდისიერად შეასრულოს ხელშეკრულების პირობები.

მუხლი 8. ხელშეკრულების ინსპექტირების პირობები

8.1 შემსყიდველი უფლებამოსილია მოახდინოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული ობიექტის ნაწილის და წუნდების მითითებით.

8.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8.4 ხელშეკრულების ინსპექტირებას შემსყიდველის მხრიდან განახორციელებს სსიპ „იუსტიციის უმაღლესი სკოლის“ ინფორმაციული ტექნოლოგიების მთავარი კონსულტანტი ივანე რევიშვილი.

მუხლი 9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისთვის მხარეებს ეკისრება პირგასამტეხლო შესასრულებელი ვალდებულების ღირებულების 0,2% ოდენობით. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.2 იმ შემთხვევაში თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 5%-ს, მხარეებს უფლება აქვთ შეწყვიტონ ხელშეკრულება.

9.3 ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

მუხლი 10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების ან დამატების შეტანა შეიძლება მხოლოდ მხარეთა წერილობითი შეთანხმებით.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ ხელშეკრულების რომელიმე მხარე დაარღვევს ხელშეკრულებიდან გამომდინარე ვალდებულებას და პირობებს, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა ვალდებულების შესრულებისათვის მის მიერ დამატებით განსაზღვრული გონივრული ვადის უშედეგოდ გასვლის შემდეგ (გამოიყენება წერილობითი ფორმა ან კომუნიკაციის ელექტრონული საშუალება). თუ ვალდებულების ხასიათიდან გამომდინარე შეუძლებელია ან აზრს კარგავს დამატებითი ვადის გამოყენება, მაშინ დამატებითი ვადის განსაზღვრას უთანაბრდება გაფრთხილება (გამოიყენება წერილობითი ფორმა ან კომუნიკაციის ელექტრონული საშუალება).

10.5 ხელშეკრულების შეწყვეტასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.

10.6 ხელშეკრულება ასევე, შეიძლება შეწყდეს მხარეთა ინიციატივით, წერილობითი ურთიერთშეთანხმების საფუძველზე.

11. დავები და მათი გადაწყვეტის წესი

11.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მოლაპარაკების გზით.

11.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

12. დაუძლეველი ძალა

12.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

12.3 დაუძლეველი ძალის შემთხვევაში მხარე დაუყოვნებლივ წერილობით აცნობებს ამის შესახებ მეორე მხარეს.

13. სხვა პირობები

13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. ხელშეკრულების მოქმედების ვადა

14.1 ხელშეკრულება ძალაში შედის მისი დადების დღიდან და მოქმედებს 2014 წლის -- , გარდა ხელშეკრულების მე-6 მუხლისა.

14.2 ხელშეკრულების მე-6 მუხლი ძალაშია შესყიდვის ობიექტის მთლიანი საგარანტიო პერიოდის განმავლობაში.

15. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“